

SCRIPT OF EVENING GOJRI NEWS BULLETIN 12FEB 2025

1700HRS

اوننگ گوجری نیوز بولیٹن 12 فروری 2025

یوہ آکاشوانی جموں بے محمد مبارک ماہر تے نصرت تیں خبر سُنو۔

HEADLINES

۱۔ وزیر اعظم نریندر مودی تے فرانسی سدر نے مارسیلی مانہ بہارت غا پہلا نوا قونصل خانہ غو سانجہ افتتاح کیو۔

۲۔ لیفٹیننٹ گورنر منوج سنہا سرینگر مانہ ایک علی سطحی سکیورٹی جائیزہ اجلاس غی صدارت کر رہیا ہیں۔

۳۔ صحت تے طبی تعلیم غی وزیر سکتہ اتو نے مریضیاں غی بہتر دیکھ بہال واسطے طبی تے دندان گا شعوباں مانہ لگاتار ترقی غی ضرورت ور زور دتو۔

۴۔ جموں کشمیر مانہ پنچایتی ٹھانچہ تے ڈیجیٹل ترقی واسطے ۳ سو ۰۵ کروڑ روپیہ لیا ہیں جن مانہ اگلا ۳ براں مانہ اس سلسلہ مانہ خرچ کیو جے گو۔

۵۔ جموں کشمیر غی مسکان رینا نے ۸۳ وین قومی کھیڈا مانہ با ترتیب کسرت مانہ سونہ غو تغو حاصل کیو تے وزیر اعلیٰ عمر عبداللہ نے اُس غی شاندار کامیابی ور تعریف کی۔

PM FRANCE

وزیر اعظم نریندر مودی تے فرانسی صدر ایمانول میکرون نے اج تاریخی فرانسیسی شہر مارسیلی مانہ پہلا بھارتی قونسل خانہ گو سانجہ طور ور افتتاح کیو بے اس تیں پہلاں تہاڑی دوہاں رہنماواں نے بھارتیاں تیں باہر بسن آلا بھارتیاں سنگ گل بات کی مزارگیس جنگی قبرستاں مانہ بھارتی فوجیاں مانہ خراج عقیدت پیش کی دورہ غے دوران وزیر اعظم نریندر مودی تے فرانسی سدر میکرون نے بھارت فرانسی باہمی شراکتداری مانہ مضبوط بنان دفاع جوہری توانائی تے خلائی تعاون ور توجو دیتا واں اپنی مضبوط وابستگی مانہ ظاہر کیو فرانس مانہ اپنا دورہ مکمل کرن تیں بعد وزیر اعظم نریندر مودی امریکی صدر ڈونالڈ ٹرمپ غی دعوت ور امریکہ غا دو روزہ دورہ ور روانہ وین غا۔

LG REVIEW MEET

لیفٹیننٹ گورنر منوج سنہا سرینگر مانہ پولیس کنٹرول رام مانہ ایک اعلیٰ سطحی حفاظتی صورتحال غا جائیزہ غا سلسلہ مانہ ایک اجلاس غی صدارت کر رہیا ہیں اجلاس مانہ دہشت گردی مخالف کاروائیاں دراندازی بارے جتناں تے منشیات غی بدھتی وی مشکلات سمیت اہم حفاظتی مور ور گل بات غو امکان بے مذکورہ اجلاس مانہ فوج سی آر پی ایف تے جموں کشمیر پُلِس گا اعلیٰ عہدیداراں موجود ہیں مزید تفصیلات غی اجوں اڈیک بے۔

FINAL RESPECTS

فوجی اہلکاراں نے ۲ فوجی جواناں مانہ خراج عقیدت پیش کیو جن مانہ ایک کیپٹن تھو جہیزو گزشتہ روز قبضہ لکیر ور ایک آئی ای ڈی دھماکہ مانہ شہید ہو گیا تھا کیپٹن کرمجیت سنگھ بخشی جہیزا جارکھنڈ رانچی تیں تھا تے نائیک مکیش سنگھ منہاس جہیزا جموں کشمیر غا سانہ تیں تھا دواں مانہ خراج عقیدت پیش کرن واسطے ایک پُر وقار تقریب بھارتی فضائیہ

سٹیشن جموں مانہ منعقد کی گئی۔ اس تین بعد شہیدان گا جسد خاکی نانہ اُن غا آبائی علاقان مانہ آخری رسومات واسطے روانہ کردتو گیو۔

SAKINA DENTAL

صحت تے طبی تعلیم غی وزیر سکینہ اتو نے کہیو بے جے طبی تے دندان غو شعوبو لگاتار ترقی کر رہیا ہیں تے مریضان غی دیکھ بھال نانہ بہتر بنان خاطر ان شعبان مانہ ترقی غی سخت لوڑ بے انہاں نے یاه گل اج جموں غا دندان بارے اندرا گاندھی کالج غا پہلا سالانہ تہاڑا غا موقع ور اپنا دورہ غے دوران کہی اس موقع ور مذکورہ وزیر نے صحت غی دیکھ بھال غی بہتر خدمات نانہ یقینی بنان بارے شعبان مانہ اختاعات تے ٹیکنالوجی نانہ جاری رکھن غی اہمیت ور لوکھلی۔ تقریب غے دوران وزیر موصوفہ نے مذکورہ کالج مانہ سی بی سی ٹی ٹیکنالوجی غو وی آغاز کیوتے نال ہی مریضان نانہ فراہم کی جان آلی دندان غی خدمات بارے جائیزہ غی خاطر ہسپتال غو دورو کیو اس موقع ور نامہ نگاران سنگ گل کرتا واں وزیر موصوفہ نے اس طرح کہیو۔

ANNOUNCEMENT

علاقائی خبراں آلو شعبو آکاشوانی جموں کی طرفوں ضلع کٹھوعہ واسطے عارضی نامہ نگاران یعنی پی ٹی سی گو پینل بنان غی خاطر درخواست منگی گئی ہیں۔ مجوزہ پرفارم ور عارضی نامہ نگار غی پوسٹ مانہ دلچسپی رکھن آلا ایسا امیدوار درخواست دے سکیں گا جہیرا ضلع کٹھوعہ غا بسنیک وین تے اُن غی عمر غی حد ۴۲ براں تیں ۰۵ براں توڑی مقرر کی گئی ہے۔ پی ٹی سی غی اس پوسٹ واسطے تعلیمی قابلیت پی جی ڈپلومو یاه صحافت غا شعبہ مانہ ڈگری یاه فر کسے وی تسلیم شدہ یونیورسٹی تیں گرجیشن غے ہمراہ ۲ براں غو صحافت مانہ تجربو مقرر کی گئی ہے۔ اس توں علاوہ کمپیوٹر تے وڈ پروسیسنگ نالے خبر اکٹھی کرن آلا آلات تے میڈیا کوریج مانہ تجربو وی ضروری رکھیو گیو بے عارضی نامہ نگار غی پوسٹ مانہ دلچسپی رکھن آلا امیدوار واسطے لازمی بے جے وے ضلع صدر دفتر کٹھوعہ یاه اس تیں ۰۱ کلو میٹر غا دائیرہ غے اندر رہائش پزیر وے۔ اس سلسلہ مانہ درخواست غی ہاڈ کاپی ضروری دستاویزات غے ہمراہ ہیڈ ریجنل نیوز یونٹ آکاشوانی پنچترتھی جموں مانہ بڑا خودد آئندہ ۵۱ فروری توڑی دینی ویگی۔ اس بارے مزید ور دستیاب ہے۔ www.newsonair.gov.in جانکاری ویب سائٹ

JK PANCHAYAT INFRA

جموں کشمیر مانہ پنچائیت غا بنیادی ڈھانچہ نانہ بہتر بنان خاطر پشلا ۳ براں مانہ مرکزی سرکار نے ۰۵۳ کروڑ ۶۵ لکھ روپیاں غی مالیت غی منظوری دتی ہے اس سلسلہ مانہ راشٹریہ گرام سوراہ ابھیان غے تحت پنچائیت بھون عام خدمات مرکز تے ڈیجیٹل بنیادی ڈھانچہ غی تعمیر واسطے خاص رقم مختص کی گئی ہیں پنچائیت گھراں مانہ عمارتاں غی تعمیر واسطے ۰۹۲ کروڑ ۳۲ لکھ روپیہ مختص کیا گیا ہیں جدکہ عام خدمت مرکزان واسطے ۴۶۱ کروڑ ۹ لکھ تے ڈیجیٹل گورننس نانہ باہدو دین خاطر ۶ کروڑ ۱۳ لکھ روپیہ مختص کیا گیا ہیں جموں کشمیر نے ای۔گورننس یعنی مجازی نظام مانہ مچ ساری پیش قدمی کی ہے جس مانہ اچ۔گرام سوراہ ہلیٹ فارم ور ۷ ہزار ۷ سو ۵۹ پنچائیت ہیں تے ۷ ہزار ۷ سو ۹۲ پنچائیت سدھی آن لائن طریقہ کار ور ادائیگی کر رہی ہیں جہیڑی ڈیجیٹل گورننس مانہ خطہ غی ترقی نانہ ظاہر کریں۔

WASTE MANAGEMENT DODA

ضلع ڈوڈھ مانہہ ضلعی انتظامیہ نے پکا کچرا نانہہ ٹھکانے لان تے ضلع ڈوڈھ نانہہ بھارت غا صاف ستھرا شہراں وچوں ایک غا طور ور بدلن بارے ایک غیر سرکار تنظیم نانہہ مکمل تعاون فراہم کیو ہے اس سلسلہ مانہہ فی الحال بلدیاتی کمیٹی دوڈھ غی ۳ وارڈاں تے ۳ نیٹرواں گرایاں مانہہ بیداری مہیم بدھان پکا کچرا نانہہ ٹھکانے لان تے صاف ستھرو ماحول پیدا کرن بارے سرگرمیاں غی حوصلہ افزائی ور خاص توجہ دتی گئی اس سلسلہ مانہہ مقامی لوکاں نے اس قدم نانہہ سرابتاں واں کچر غا پائیدار انتظام غا حل غی لوڑ نانہہ اجاگر کیو اس موقع ور اس قدم غی اہمیت ور لوکھلتاں واں این جی او غا ایک رکن نے اس طرح کہیو۔

MUSKAN NATIONAL GAMES

جموں کشمیر واسطے ایک قابل فخر ویلہ مانہہ مسکان رانا نے اتراکھنڈ مانہہ جاری ۸۳ ویں قومی کھیڈان مانہہ با ترتیب کسرت مانہہ سونا غو تمغو حاصل کیو ہے اس غی غیر معمولی قابلیت لگن تے محنت نے اس علاقہ واسطے ایک گروو آلی گل کی ہے اس موقع ور وزیر اعلیٰ عمر عبداللہ نے مسکان نانہہ مبارک باد دیتا واں اس غی شاندار کامیابی ور اُس غی تعریف کی ہے تے نال ہی مستقبل مانہہ لگاتار کامیابی غی خواہش وی کی ہے۔ مسکان غی جیت خطہ غا مچ سارا خواہشمند کھڈاریاں واسطے ایک تحریک ہے۔

GURU RAVI DAS

گورو روی داس گو جنم تہاڑو اج شمالی بھارت مانہہ عقیدت مندی نال منایو جارہیو ہے جس مانہہ جموں کشمیر وی شامل ہے سانہہ ضلع مانہہ وی ان غی ۶ سو ۸۴ وی جنم تہاڑو بڑا جوش و خروش سنگ منایو گیو سانہہ، وجپیار، رام گڑھ تے بڑی براہمنہ گا مندران مانہہ عقیدت مندان غی بھیڑ دیکھی گئی جہیڑا دعا تے آشرواد واسطے آیا تھا۔ چھنی منہاسن مانہہ گورو رویداس مندر مانہہ ایک خاص تقریب منعقد کی گئی جس مانہہ بھجن کیرتن تے لنگر غو اہتمام کیو گیو۔ نائب وزیر اعلیٰ سریندر چوہدری نے جموں مانہہ گورو روی داس سبھا مانہہ ۸۴۶ انگا جنم تہارا ور خطاب کرتا واں گورو روی داس غی مساوات تے انسانی معاشرہ بارے تعلیم ور عمل کرن غی اہمیت ور زور دتو۔ اس موقع ور آکاشوانی نیوز نال گل کرتا واں شری گورو روی داس سبھ چھنی منہاسن غا صدر پرہ دیلال نے اس طرح کہیو۔

POULTRY REASI

جموں کشمیر مانہہ گرانیان غی مالی حالت بہتر بنان تے اُن نانہہ بابدو دین بارے مرکزی سرکار غے زیر اہتمام اسکیم نمایاں بدلاؤ لیا رہی ہے۔ ضلع ریاسی مانہہ مقامی لوک اپنی روزی روٹی کمان خاطر بڑی تیزی سنگ ککڑاں بطخان نانہہ پالن غو پیشو اختیار کر رہیا ہیں مربوط پولٹری ترقیاتی پروگرام تے راشٹریہ کرشی وکاس یوجنا جیسا قدمان غے زریوے لوک خاص طور کالسریاں تے نوجوان لہوکا تے درمیانہ درجہ گا پولٹری مرکز قائم کرن غا سلسلہ مانہ مالی مدد تربیت تے تکنیکی امداد وی حاصل کر رہیا ہیں اس عمل سنگ ان غی مالی حالت تے غزائیت غی مقدار مانہہ بابدو وے گو۔ آکاشوانی سنگ گل کرتا واں ایک مقامی مُستفید بدی ناتھ نے سرکار غا تعاون غی تعریف کرتا واں اس طرح کہیو۔
